

子有罪無罪渾歸一途通天之怨莫此若也及聞有御史之奇則必移簿書出囚徒而待之過則滿獄中盈几上國之見欺何可勝言○開城府有虫史臣曰京畿開城府廣州等七邑及京城近處蝗虫滿野食牟麥黍粟根穗皆盡大饑之後中外旱甚蝗又為灾人民囂然喪心○癸巳夜南方有氣如火○觀象監啓曰簡儀渾象 世宗朝所造也觀天之器只有一件未便若又修補則無測候之具故前日請加造一件而今又畢造但舊象排置星辰及著漆處今或剝落請以新象排設校正其差違而今匠人仍修補何如且一象藏之何所並稟傳曰依啓修補一件置于內觀象監可也○兵曹以慶尚右道水使趙壽千書狀啓曰此云知世浦萬戶金仁祐撫恤軍卒防備諸事勤勤措置前者平安道上土萬戶金永柔防禦諸事皆為特異故適來時相當職除授事捧承傳矣此人則只撫軍隄備而已何以為之傳曰名目雖殊豈其異也此人亦依金永柔例捧承傳○平安道肅川安州价川三登江東中和祥原平壤有蝗○御夕講○憲府啓曰護軍鄭士龍以有才望堂上官遭父喪長在京家任然率妾無行縱恣大毀風教請勿齒仕版

不發者久矣至是論故入皆快之

物論含蓄